

LUSUS AMATORIUS: 8

SIVE,

# Musæi Poema

DE

HERONE & LEANDRO,

E Græcâ in Latinam Linguam Translatum.

CUI

Aliæ (tres scilicet) accedunt Nugæ Poëticæ.

---

*Authore C. B.*

---

*Plaudite duo Marti, miles; nos odimus arma :  
Pax juvat, & media pace repertus amor. Ovid.*

---

L O N D I N I,

Impensis Thomæ Speed, & prostant venales in viculo vulgo  
vocato Exchange-Alley, e regione Bursæ Regalis in  
Cornhill. 1692.

Lord Crewe's  
Charity



Durham, England

*Quem quidem lausit, ne dicam scripsit, Author, animo  
serae Apollini invito, superiorum tamen mandata  
obsequens; anno scilicet aetatis suae vigesimo pri-  
mo dum lapsus: ignoras itaque, candidissimè, fer-  
desipienti in loco.*

## \* *Lusus Amatorius, &c.*

**L** Ampada, furtivos quæ conscia vidit amores,  
Quos frustra optavit toties Aurora videre,  
Diva canas; magnūque virum, qui pectore nudo  
Per tumidos fluctus, perque aspera saxa profundi,  
Nocturnum patefecit iter; ritūsque peregit  
Idalios, blandæ gremio porrectus Amicæ.  
Nec non æternum tua carmina nomen Abydi  
Dent famæ; & Sestos cantetur parva per orbem,  
Mutua libarunt ubi gaudia noctis Amantes.  
At quò mente feror? Quasnam Telluris ad oras  
Musa rapis? Videor jam nunc audire Leandrum  
Ilia ducentem, palmis dum verberat æquor  
Spumofum; videor mihi vertice Turris in alto  
Hisce oculis spectare Facem, quæ desuper undas  
Prospiciens, te, Nauta, vocat; tibi monstrat eunti  
Officiosa viam, fluctus dum tramite signat  
Purpureo; latèque resolvens lucē tenebras,  
Ecce tuos nifus miseranti ostendit Amicæ.  
Ter salve, Fax usque vigil! Vera illius ignis,  
Viscera qui Dominæ flagrantia carpit, imago!  
Inunc, fidereas aperit tibi Jupiter arces;  
Inferre te cælo; Veneri charissimus almæ  
Hesperus alter eris. Sed fati haud immemor unquam  
Sestiados miseræ, felici semper Amantes  
Influxu aspiciens, votis succurrere discas.  
Nam benè Tu nosti, quàm sævis pectora flammis  
Urit Amor; nosti, quales tulit ægra dolores,  
Quos gemitus & quæ suspiria fuderat Hero,  
Si quando iniecit viduo sua membra cubili,  
Spēmque diū sotam rabidi maris ira sefellit.

Tu

Tu quoque cum Nymphâ, veluti comes, ire solebas  
 Ad speculam, quoties terram nox abdidit atra ;  
 Donec ab Æolio prorumpens carcere ventus,  
 ( Fortiter ah nimium spirans ! ) vitâmq; Leandri,  
 Téque simul, tenues discedere iussit in auras.

Stant urbes geminæ, rectâ seseque vicissim  
 Trans mare prospectant, reflui prope litora ponti,  
 Gurgite qui parvo adversas concurrere terras  
 Europâmq; Asiâmq; vetat ; quarum altera Sestos,  
 Altera ( sic patres voluere ) vocatur Abydus.  
 Hanc urbem incoluit florenti ætate Leander,  
 Inter Abydenos quo non formosior omnes  
 Alter erat Juvenis ; sed candida Seston habebat  
 Hero, jam matura viro, spes una parentum,  
 Sestiadâsq; inter longè pulcherrima Nymphas.  
 Hi flammâ caluere pari ; nam certa Cupido  
 Spicula corripens, arcum lunavit, & uno  
 Amborum confossa dedit præcordia telo.  
 At si ( quisquis eris ) rerum studiose viator,  
 Te fortuna pedes illâc torquere vocabit ;  
 Siste precor, cupidique tui pascantur ocelli  
 Disjectas moles exesâque saxa tuendo :

Saxa etenim visuntur adhuc, vestigia Turris,  
 Stare ubi per noctem nimis anxia virgo solebat,  
 Ductricemque suo tedam præferre Leandro ;  
 Cujus adhuc fatum moestæ deslere videntur  
 Naiades ; & queruli dum fluctus murmur ab imo  
 Æquore dant ripis, responsant flebile ripæ.  
 Sed pandas mihi, Diva, modum, quo Sesta puella  
 Vulnus Abydeno juveni dedit incia prorsus  
 Arcanum, pariterque recepit vulnus ab illo.

Cùm fronte insignis tum sanguine nobilis, Hero  
 Sacra ministra fuit Veneri ; sponsæque precantis  
 Vota Dionæas imponere suevit in aras.  
 Hæc procûl à patriis, facie Venus altera, tedâs,  
 Ad mare fluctilorum positas habitaverat arces  
 Sola sibi ; tenuitque suum intemerata pudorem.  
 Nec juvenum cœtus, ut mos erat, illa frequentes,  
 Néve puellares unquam est dignata choreas  
 Visere ; nè rosæo vultûs splendore, placere



Queis velit, invidiâ cruciaret sæva sodales.  
 Novit enim quantis muliebria pectora Livor  
 Exagitet stimulis; nam rarò Fœmina gaudet  
 Ora, nisi in proprio speculo, formosa videre.  
 Non illi, baccata suo circumdare collo  
 Vincula, vel pexos gemmis onerare capillos,  
 Unica cura fuit; sed quo sibi Numen haberet  
 Usque favens magnæ Veneris, penetralia sacra  
 Illius accedens mactavit sæpè volucrum  
 Chaoniam, & cinxit redolenti altaria myrto.  
 Thura, Cupidineos ut sic averteret istus,  
 Sæpiùs illa dabat; votivæque plura quotannis  
 Munera, suspendenda tholo, promisit Amori.  
 Nil tamen ista juvant; haud munera respicit unquam  
 Cœcus Amor. Tàm dives opum quàm pauper amare  
 Cogitur; ignitas effugit nemo sagittas.

Jamque aderat festiva dies, tibi, pulcher Adoni,  
 Et Paphiæ sacrata Deæ; quùm Seston ad urbem  
 Agricolaë, & ruris vicinia tota, vetusto  
 Pro more agglomerant. Veniunt hùc protinus omnes,  
 Quotquot ab Ægæis miserunt Cyclades undis.  
 Hùc venit Æmoniaë campos qui vertit aratro,  
 Quique Hebri bibit amnis aquas; descendit ab Idâ  
 Pastor, & excelsò Libani de culmine montis  
 Plaudentùm sese agmen agit; Neptunia Cyprus  
 Deseritur; Nymphisq; vacat, modò plena, Cythere.  
 Quin ubi de Festo rumor pertingit Abydi  
 Mœnia, turmatim à tectis effusa Juventus  
 Quà data porta ruunt; verrentesque æquora tonfis.  
 Accelerant, avidi solennes visere pompas.  
 Non verò Pietatis amor, non annua Divùm  
 Sacra, peregrinæ pubis juvenilia corda  
 Sollicitant; hi longè alio flammantur ab Igne;  
 Nève Deam agnoscunt, nisi quæ Mortalis habetur.

Interea sese Veneris, spectabilis Hero,  
 Magnifico suspensa gradu, per templa ferebat.  
 Eximius nitet ore decor, radiisque gemellis  
 Hinc atque inde fluunt oculis; novus unde per ædem  
 Flagrat honos, duplicique auro laquearia fulgent.  
 Interfusa genas distinguunt alba rubentes

Lilia, purpureis floréntque coralia labris;  
 Dum niveæ cervicis ebur diffusa flagellat  
 Cælaries, humeróque pedes descendit ad imos  
 Vestis, & aurato lambit vestigia limbo.  
 Temporibus veterum, quàm Tyndaris altera Phoenix  
 Atque niger quasi cygnus erat, finxere Poëtæ  
 Tres numero tantùm Charites; sed plurima lusu  
 Gratia Sestiados vario per membra vagatur:  
 Mille sinu resident Veneres; bis mille Lepores  
 Nascuntur facie, quoties gemmantia flectit  
 Lumina, vel risu levitèr movet ora sereno.  
 O quæ virginibus præstantior omnibus una es,  
 Fœminæque decus turbæ! Quàm digna sacerdos  
 Tu simul es Veneri, simul & Venus ipsa videris!

Ecce autem quanto fervent delubra tumultu  
 Confluxúque virúm! Dextrâ solennia ponunt  
 Dona focis Divæ; sed habet sibi corda sacerdos.  
 Illa ubicunque tenet gressus, quacunque per ædis  
 Marmoream spatiat humum, furtiva medullis  
 Insinuat sese juvenum; dulcique catenâ  
 Ducit ad arbitrium vultúsque animósque sequaces.  
 Hinc totam extemplò pestis jucunda catervam  
 Corripit, ac teneris cœcum ossibus implicat ignem.  
 Dant alii gemitus; alii sua vulnera celant.  
 Cùm subitò è multis unus, cohibere furorem  
 Impatiens, tandem has effudit pectore voces.

Sæpè equidem vidi claram Iacedæmonis urbem  
 Quæ vulgò nunc Sparta audit; notissima famæ  
 Egregias propter, quarum est opulenta, puellas.  
 Vidi ibi luctantes nudis persæpè mamillis  
 Corpore præstanti Nymphas; at Fœmina nunquam  
 Tàm suavis, tàm blanda tuens, hisce obtigit antè  
 Obversari oculis; cui nunquam vel tulit ætas  
 Vel feret ulla parem. Ah, quoties invita retraxi  
 Lumina suspirans! Mox hæreo totus in illâ  
 Rursus; & obtutu placido defixa pererrat  
 Membra, sed expleri nescit, mens nostra, tuendo.  
 O si, Virgo, tuis cingi mea colla lacertis,  
 Inque sinu tepida vitam expirare, liceret!  
 Non mihi rex Erebi, non pallida Mortis imago

Terrorem

Terrorem incuteret ; quin ultima voce profatus  
 a Clamarem exultans, Sic, sic juvat ire sub umbras !  
 Non ego Cœlicolas inter conviva sedere  
 Optarem, summi neque sceptrâ superba Tonantis  
 Invidus aspicerem ; si ( quod dent Numina ! ) mecum  
 Fœdera connubii socialia jungeret Hero.  
 Sorte meâ felix, meritò tunc pocula Divûm  
 Vel nihili facerem ; nam sponsæ basia figens,  
 Nectar ab Hyblæis possem exhaurire labellis.  
 Sed si vana peto ; si non conceditur ulli,  
 Alma, sacerdotis vestræ, Cytherea, pudorem  
 Sacrilegâ laxare manu : Nihil ampliùs oro,  
 Quàm quòd huic similis, mihi sit pro conjuge, Nympha.

Sic factus sua corda levat ; dum cætera pubes  
 Vulnus alit venis : Primâsq̃ue sub ilia flammâ  
 Incasûm reprimens, bibit altiùs inde venenum.  
 Ast ubi, Virgineæ correptus imagine formæ,  
 Attonitûsque inhians, descendere in ossa Leander  
 Intima percepit rabiem, virêsq̃ue regendo  
 Sumere ; turbato sub pectore multâ volutans,  
 Experiamur, ait ( quid enim tentare nocebit ? )  
 An precibus flecti poterit, seu questibus aurem  
 Virgo dabit facilem, nostros miserata dolores.  
 Ah pereò infelix ! Pereò ; nisi fas sit ab Illâ,  
 Unde malum accepi, demùm sperare salutem !  
 Talia dum secum loquitur, dùmquê æstuat intûs ;  
 Per liquidas accensâ genas it flamma repente  
 Purpurea, arcanos animi confessa tumultus.  
 Ecquis enim ostendet tam duro robore pectus  
 Armatum, ut Formæ non sit penetrabile telis  
 Fœmineæ ? Quem non valeat superare Cupido ?  
 Usque adeò intentis oculis haurimus amorem  
 Ignari ; donèc tacitè sublapsa per artus  
 Blanda lues, diro cruciat præcordia rabo.  
 Hinc miser insanit Juvenis ; mens anxia curas  
 Mille simul versans, nunc hûc nunc fluctuat illûc  
 Spemque metûsque graves inter : Modò gaudia frontem  
 Exhilarant ; subitoque rubor pallorque vicissim  
 Per dubias propèrant refluxo cum sanguine venas.  
 Heu, quid agat ? Vel quo dilectam ambire Puellam

Audeat affatū? Stimulos amor addit inertī,  
 Sed vetat ire pudor linguamque pedēſque coercens.  
 Sic piger obſtupuit. Mox verò audacia creſcit  
 Paulatim; totòque ingrata modeſtia vultu  
 Exulat, ut nimium virtus oneroſa procanti.  
 Nec mora, difficili nixu per denſa virorum  
 Agmina corripuit ſpatium; turbæque ſolutus,  
 Virginis aſpectu coram, veſtigia fixit.  
 Jamque trahens altè gemitus, ad ſydera palmas  
 Erigit, inque humeros labentia colla reclinat.  
 Tum nutu alloquitur Nympham; viſuſque protervos  
 Obliquans, aciem petulanti dirigit ictu:  
 Urque palam faciat vulnus per ſigna, loquaces  
 Ecce vicem linguæ digiti ſupplere docentur.  
 Illa ubi perſentit quid mœſti verba Leandri  
 Tot ſibi muta velint; propiæ benè conſcia formæ,  
 Ipſa ſibi plaudit; criſtallique in vertice tollens,  
 Altior incedit grefſu tumefacta ſuperbo.  
 Quò magis inflammet Juvenem, laſciva venuſtam  
 Nunc faciem obnubit peplo; nunc torva tuetur;  
 Atque ita crudelis captivo inſultat Amanti:  
 Nunc illum aſpiciens, quaſi jam Sperare juberet,  
 Annuit, & motis blande ſubridet ocellis.  
 Accipit hæc lætus Juvenis; cui ſumma voluptas  
 Sollicitam recreat mirâ dulcedine mentem,  
 Quòd ſua non dederit ſurdis ſuſpiria ventis.  
 Dumque ſpei plenus molliſſima tempora ſandi  
 Cogitat, & pariter quæ prima exordia ſumat;  
 Helperus interea præceps deſcendit ad æquor  
 Occiduum, involvens terramque polūmque tenebris.  
 Tunc ille, auxilio noctis conſuſus, Amicam  
 Aggrediens, lateri non evitantis adhæret.  
 Ac primò affari metuens, modò vellicat oram  
 Extremam pictæ chlamydis, modò veſte remiſſâ  
 Molliter apprehendit lævam, digitoſque rubentes  
 Contrectans, gemitu graviter ſe quaſſat anhelò.  
 Abripit illa manum; vocemque, in guttura furſum  
 Dum quærebat iter, tanquam indignata repreſſit:  
 At placido aſpectu ſimulacram prodidit iram.  
 Sumit ab hoc animòs Juvenis, pallamque fluentem

Virginis invadit manibus ; penitissima templi  
 Ad loca contendens ( ubi Nox circumvolat umbrâ  
 Sublustrî, qualis teneræ præbenda puellæ est )  
 Vi trahit invitam ; sed non invita trahenti  
 Obsequitur ; sic pugnat enim, ut quæ vincere noller.  
 Fœmineis tamen illa minis objurgat, & ore  
 Intonat irato, dictisque ita fatur acerbis.

Improbe ! Quis furor, aut quæ te dementat Erynnis ?  
 Mitte togam, aut patris famulos clamore ciebo.  
 Nullâne te tangit Pietas ? Per Numina juro  
 Quæ templo hoc resident, faciem tibi protinus ungue  
 Diripiam, nisi tam sædo desistis ab auso.

Tûne potes ( demens ! ) nostrum sperare cubile  
 Hospes, & ignotus ? — Norunt meliora parentes.

Talibus infremuit. Sed post tot nubila & imbres  
 Horrifonos, post tot reboantia fulgura, quis non  
 Tranquillam cœli certò prædiceret auram ?  
 Quando etenim, clamosa acuens in jurgia linguam,  
 Fœmina verba proci blandè suadentia verbis  
 Fulmineis, questusque minis furiosâ rependit ;  
 Obscæ est urbi similis, quum ad mœnia cives  
 Ultima perpeffi coeunt : In turribus altis  
 Sanguinea attollunt signa, & jam jamque parati  
 Prælia inire volunt, aut saltè m velle videntur ;  
 Sin hæc successu careant, si fortis instans  
 Miles ab adverso nunc mœnibus imminet, armis  
 Depositis pacem exorant portasque recludunt.  
 Sic palmæ certus, magis ac magis inde Leander  
 Incaluit ; totisque novum bibit ossibus ignem.  
 Et jam virgineâ pendet cervice, tenaci  
 Amplexuque fovet, placido sic ore loquutus.

O Dea ! Nam certè non est vox nec tibi vultus  
 Mortalis ; mea pulchra Venus ! Mea casta Minerva !  
 Sis felix, nostrumque leves miserata laborem.  
 Ah miser in flammæ abeo ! Per viscera sævus  
 Regnat amor, penitusque perêdit felle medullas.  
 Si qua tibi pietas, si non in pectore ferrum  
 Aut adamanta geras ; hæc per delubra, per aram,  
 Per caput hoc tibi devotum, per vulnera nostra,  
 Përque tuos oculos qui vulnera nostra dedere,

Te precor exhibeas ægro solamen Amanti,  
 Quem servare potes ; potes, ah, quem perdere amantem.  
 Elige utrum facias. At non immania corda  
 Sunt tibi ; non tales decet inclementia vultus.  
 Solane perpetuâ mœrens carpere juventâ ?  
 Nec dulces natos Veneris nec præmia noris ?  
 An tu sacra velis ritu celebrare Diones ;  
 Nec quid Hymen, quid amor, quid sint connubia, cura.  
 Exue crinales vittas ; si grata sacerdos  
 Esse cupis Veneri, Veneris sac jura sequare.  
 Me Puer omnipotens, qui, post tot monstra subacta,  
 Magnanimum Alciden docuit servire puellæ  
 Jardaniæ, & fufum digito versare toroso ;  
 Me tibi misit Amor. Si te metus ullus Amoris  
 Commoveat, precor ut miserum, ac ferè luce carentem  
 Hospitio dignere tuo, gremiôque reponas.  
 Seu Famulus dicar, five Hospes, five Maritus,  
 Nil moror hos titulos ; solum Tuus esse laboro.  
 Forsitàn audieris ( nam vulgus fama per omne  
 Labitur ) ut quondam tedas Atalanta jugales  
 Averfata, feras inter fylvæque Dianam,  
 Innuptam coluit, fprevitque Cupidinis arcus.  
 Mox autem succensa Venus, glaciata superba  
 Pectora comburit Nymphæ, juvenemque coegit.  
 Milaniona, priùs quem valdè odiffer, amare.  
 Ergò cave, quaeso. Nosti ut fastidia Divæ  
 Displiceant Paphiæ : Tanti tu Numinis iram  
 Hoc, precor, exemplo, discas vitare tremendam.  
 Dixerat. Illa avidâ dulces bibit aure loquelas ;  
 Nec quid habet quo tam mulcentia dicta refellat.  
 Nunc oculos defigic humo, rosæque pudore  
 Obstupuit suffusa genas ; nunc vela reducens  
 Serica circum humeros, quæ tergo fortè fluebant,  
 Confessim sese avertit ; paulùmque recedens,  
 Lavia verrebat taciturnis marmora plantis ;  
 Mox redit, inque viri conspectu obmutuit amens.  
 At ille interea meditatur mente triumphos,  
 Et secum Parana canit ; dum faucia Virgo  
 Ardescit, perque alta silentia narrat amorem.  
 Jamque furens animo, per membra decora Leandri



Luminibus tacitis errat; jam lactea colla  
 Impubésque genas videt, insanítque videndo,  
 Et rabidos circum præcordia ventilat ignes.  
 Nec latet haustus amor; sed fax vibrata per artus  
 Sidereos, totum tremulo sudore fatigat  
 Corpus, & ingenuo distendit murice venas.  
 Cum subitò in gremium faciem demissa pudicam,  
 Ingemit; ac medio sic interfata dolore est.

Ipse vel hanc statuam suavi sermone moveres,  
 Inque remolliti penetrares viscera saxi!  
 Quis te mellifluas voces, artésque loquendi  
 Multiplices docuit? Nostram quis visere terram  
 Ferreus ah, primùm suasit tibi? Nam tua verba  
 Incassum fundis; sterilisque exuris amore  
 Pectus inassuetum flammis. Utrique parenti  
 Displicet, ut cuius conjungar sponsa marito.  
 Nec meus interea peregrinum lectus Amantem  
 Excipiet; qui, cum primus deseruerit æstus,  
 Oscula & amplexus & fastidita relinquet  
 Gaudia, longinquas procùl hinc fugitivus ad oras.  
 Sin statuis mecum, vagus incertusque, morari;  
 Nulla Cupidineos abscondent antra furores.  
 Perniciosa virum lingua est; umbræque silenti  
 Quod facis, in mediis auditur manè viarum.  
 Dic verò nomen, quo te possim memorare  
 His pulsam à terris, & tristia fata sequutum,  
 Sive tegat tellus, sive æquoris hauriat unda.  
 Ipsa (sed immeritò, fateor) celeberrima dicor  
 Hero, ut tu jamjam audisti fortasè; mihi que  
 Sestiacas juxta ripas domus alta tuetur  
 Cæruleos latice, & vertice nubila pulsat.  
 Non illic lætas inter jucunda Sodales,  
 Aut festiva cano, aut duco aspicienda choreas.  
 Non sonat argutæ thalamo testudinis unquam  
 Dulce melos nostro; solum mare murmurat atris  
 Vorticibus, fremituque ægras diverberat aures.  
 Quòdque magis cruciat, (sic vult mea dura noverca)  
 Una mihi tantùm comes est ancilla, timores  
 Quæ minuat domina, simul & custodiat arcem.  
 Sic fata est; roseusque iterùm pudor orsus ab ore

Imple-

Implevitque genam, & teneros defluxit in artus.

Quæque modò dixit, jam nunc indiçta volebat.

Haud ita Leander, vesano tactus amore ;

Sed varios versare dolos, multumque putare

Quî poterit magnum Veneris certamen inire.

Indomitos compescit Amor, prosternere doctus

Effrenatum animum ; pòst autem mitia dicit

Verba, suosque levat modò quos oppressit Amantes.

Sic etiam, immiti percussum vulnere, juvit

Leandrum ; tali qui voce silentia rumpit.

Virgo, tibi ut jaceam tèr felix sponsus in ulnis,

Quamvis unda foret rutilis impervia flammis,

Ad tua per fluctus ardentes castra venirem.

Nil te visurus metuum ; favos neque status

Ventorum, aut rapidis cinctum Tritona procellis.

Sedulus at semper tentabo nocte profundum ;

Pòstque Hellesponti lites dulcemque laborem,

( Haud etenim longè notissima distat Abydus )

Ecce, tuus veniam, promptus sine veste, maritus.

Tu tamen in cæcis tenebris desige lucernam,

Ut Turrim spectans oculo, tibi navis Amoris

Deferat, alma tuæ attendens moderamina stellæ.

Tum neque servabo flecentem plaustra Boëen

Pigra : Nec absistam à cœpto, licèt ater Orion

Stringat acutum ensẽ, & lethales depluat imbres.

Chara autem hoc caveas ; ne flamine ventus acerbo

Abripiat lucem, mediûsque ego prensus in undis

Suspirem moriens, animamque in gurgite linquam.

At quoniam cupias nostrum, ô pulcherrima, nomen

Scire ; Ego sum ( teneas, oro, memor usque ) Leander,

Et ( modò tu dederis ) Conjux charissimus Herûs.

Hæc ubi suaviloquâ Juvenis cum voce dedisser,

Illaqueans animum Nymphæ ; quàm lætus uterque

Ardet in illicitos amplexus ire ! Sed hora,

Sed locus, heu nondum satîs opportuna, vetabant.

In præsens differre placet sua gaudia. Noctû

Illa Facem è summâ turri ostentare jugalem

Sponder, Abydenos dum linquens ille penates

Corpore piscosi tranaret gurgitis undas.

Fœdera sic ineunt, almæ jam conscia Divæ

Numina testantes; fideique in pignora dextris  
 Implicitis, pariter pressissima basia jungunt.  
 Tum diversi abeunt : Ægrè divulsus ab ulnis  
 Et charo aspectu Dominæ flaventis, ad æquor  
 Dirigit ille pedem, divortia quæque viarum  
 Sedulus observans, nè quàm remearer, opaca  
 Noctis in errores incautum duceret umbra.

Jámque renascenti lustrabat lampade terras  
 Craftina lux ; Phœbi tardè reptantis Amantùm  
 Inculcat spes ægra moras, longúsque videtur  
 Stare dies. Quodcunque parant, quocunque vagantur,  
 Sola animo Nox grata subit ; mens omnis in illà est.  
 Nox tandem adveniens optata, silentia mundo  
 Rebus & omnigenis induxerat alma soporem ;  
 Ac soli requies non est concessa Leandro.  
 Ille sed infani Furias perpeffus amoris,  
 Ad cava per tenebras Phryxæi litora ponti  
 Se festinus agit ; celsaque crepidine ripæ  
 Constitit, opperiens promissæ nuncia tedar.  
 Verùm ubi jam cœlos nigrescere viderat Hero,  
 Evolat, atque altâ pinum suspendit in arce  
 Flammiferam. Subitò Juvenem novus occupat ardor  
 Vel procùl absentem ; conspecto lumine flagrat,  
 Et socias patitur vivâ cum lampade flammæ.  
 At quàm turbineos fluctus, spumósque sævi  
 Murmura Neptuni perculis auribus hausit ;  
 Diriguit primò, gelidúsque per ima cucurrit  
 Ossa tremor. Sed mox posito sua corda timore  
 Erigit, & secum dubitans his vocibus infit.

Heu ! Quàm difficilis mihi nunc datur optio ! Acerbam  
 Cui vel Aquis mortem, vel ab Igne subire necesse est.  
 Sævit amor, sævit pontus ; placabile Numen  
 Neuter habet ! Nostriis surdescunt ambo querelis !  
 Quid faciam infelix ? — Flammæ ego pectore toto  
 Arripiam ; gelidi sic nil maris unda nocebit.  
 Æquora cùm metuam, cùm sit Venus æquore nata ?  
 Imperat illa salo ; nostros regit illa dolores.

Vix ea fatus, humi vestem deponit, & alto  
 Litore desiliens niveo se corpore in undas  
 Misit ; & alterno diducens brachia motu

Incu-

Incubuit pronus pelago, dum candida cervix  
 Eminent, ac madidi fluitant in terga capilli.  
 Ipse sibi remex, sibi vector, & ipse carina,  
 Pervigil ( insolitos quoniam nulla orbita cursus  
 Dirigat ) Idalio semper dependet ab astro,  
 Atque ducem versus, directo limire, Tedam  
 Urget iter liquidum, sulcans vada salsa lacertis.  
 Sestias interea, solo stans culmine Turris,  
 Tethyos exorat numen, votisque precatur  
 Marmora supplicibus venienti tuta marito.  
 Et contra Boreæ rabiem Caurique tuetur  
 Lampadis obtenso famulantia lumina peplo ;  
 Donec ad optatos portus benè sessus Amator  
 Appulit incolumis, siccâque resedit arenâ.  
 Nec mora, sublimi Virgo decurrit ab arce,  
 Et referat festina fores ; jamque obvia sponso  
 Facta suo exultat, primòque in limine testâ  
 Assiluit, charâque diù cervice pependit.  
 Oscula mille rapit, nudos velamina circum  
 Iniciens humeros ; modò rursus & oscula libans,  
 Rorantes nitido detergit pollice crines.  
 Tum secum in Thalami ducit penetralia, ad ignem  
 Corpus ubi gelidum refovet, mulcètque pudicæ  
 Lenitèr attritu dextræ ; dein proluet artus  
 Ambrosios pingui succo fragrantis olivar,  
 Inque comas nardi pretiosos irrigat imbres.  
 Inde toro simulac molli recubabat uterque,  
 Illa statim blandis Juvenem constringit anhelum  
 Nexibus, hæc roseis depromens verba labellis.  
 Chare mihi conjux ! vitâ mihi dulcior ipsâ !  
 Quot varios casus, discrimina quanta tulisti !  
 Tunc mei causâ ( mea Lux ! Mea sola voluptas ! )  
 Per frera, per scopulos, per murmura rauca procellæ  
 Ferre viam poteras ? En, accipe digna laboris  
 Præmia, ( siqua tuo sint præmia digna labore )  
 Accipe me totam ! nam sum tibi tota dicata ;  
 Inque sinu nostro tua pectora lassâ reponas.  
 Talia dicentem medio in sermone Leander  
 Occupat amplexu, pro verbis facta rependens.  
 Multa, Dionææ tanquam præludia pugnar,

Basia panguntur ; Veneris tum lanæ solvit  
 Vincula deliciis inhians, placidumque petivit  
 Conjugis infusus gremio per membra soporem.  
 Sacra maritalis peragunt sic dulcia lecti,  
 Fortunati ambo ; dum nullus ritus inanis  
 Optatam à Sponso cupienti prorogat horam.  
 Nullus, uti mos est, emptus mercede, Poëta  
 Fescennina canens raucâ cum voce Maritam  
 Occidit miseram ; præcinctæ lampades auro  
 Non his collucent thalamis ; neque turba proterva  
 Nympharum celebrant agiles ad plectra choreas.  
 Sed loca tuta silent ; effræna licentia furti  
 Promovet Idalios lusus, Nymphæque pudentis  
 Nox taciturna genas nigranti obducit amictu.  
 Sæpè, sed incalidum, Tithoni Aurora cubile  
 Deferuit citius solito ; ut, per lata fenestræ  
 Ora, salutaret post prælia noctis Amantes :  
 Namque diem fugiens primo sub manè Leander  
 Mollibus exurgit stratis, hæsurâ relinquens  
 Suaviola in labiis Dominæ ; pelagóque remenso,  
 Intus adhuc ardens, patrias appellit ad oras.  
 Parte aliâ, tumidi crescentia pondera ventris  
 Hero ut celaret, laxâ cum veste parentum  
 Callida dat fucos oculis. Cupit illa videri  
 Virgo die ; at Mulier noctû plusquam esse videtur.

Sæpius occulto sic oblectantur amore,  
 Et fausti indulgent thalamis. At (proh dolor ! ) ô quam  
 Exiguo pendet filo hæc fugitiva voluptas !  
 Vix benè pulchra dies ( fors ô crudelis Amantum ! )  
 Orta fuit, subito quin tristibus occidit umbris.

Jamque pruinoso contristans frigore Cælum  
 Horrida bruma venit. Nautis inimicus Orion  
 Desævit ; Boreâsque atros ad littora fluctus  
 Agglomerans, imis è sedibus excitat æquor.  
 Non jam descendit cupidus mercator in altum,  
 Pauperiémque pati discit ; stat navita portu  
 Sollicitus, metuitque ratim committere vento.  
 At nil te flectunt, animis invictæ Leander,  
 Nimborum cœlique minæ ; non te aspera ponti  
 Intercludit hyems, nec territat auster euntem.

Tædia nulla viæ, te nulla peric'la morantur,  
 Dum Fax alta vocat; Fax ô malefida! — Sed Hero  
 Quid sibi furda velit? Fremitusne audire profundi  
 Nec ventos poterat? Si mens non læva fuisset,  
 In vacuo certè jacuisset frigida lecto.  
 At (sic Fata volunt, Fatilque valentior ipsis  
 Sic jam suadet amor.) Dat nuncia signa Lucernæ,  
 Inque sui funus tedam gerit ipsa Mariti.  
 Nox erat, & piceo velamine Jupiter astra  
 Condidit; insurgunt Euri, ruptique fragore  
 Cœperunt reboare poli; quàm Numinis instar  
 Æquorei exuperans fluctus, animosa Leander  
 Pectora Neptuni per spumea dorſa ferebat.  
 Continuo effusos accendens ignibus imbres  
 Tempeſtas sine more furit; tota æquora Triton  
 Vexat, & ingenti per longa volumina tractu  
 Æſtuat unda ferox; montes tolluntur aquatum,  
 Quos prærupta putes inferre cacumina cœlo.  
 Mox crebreſcit hyems, omnique à parte ruentes  
 Conſigunt venti; totis cum viribus Eurus  
 Involat in Zephyrum, Boreasque obmurmurat Austro.  
 Interea Juvēnis ſubiens extrema malorum  
 Gurgitis in medio, vicibus jaſtatur iniquis,  
 Atque ag're ſua membra trahens ſic ora reſolvit.  
 Dii quibus imperium pelagi, quibus æquora curæ,  
 Hoc miſerum ſervate caput! Date reddere terris  
 Hanc animam! Tuque ô patrio Venus orta profundo,  
 Nunc adſis, nunc aſſer opem! Tibi ſiqua poteſtas  
 In mare; ſiqua tibi noſtri ſint cura dolores.  
 Parce precor, Borea! Quid iter conaris Amanti  
 Claudere? Tempus erat, cùm vel tua frigida quondam  
 Ignibus Aëtææ caluerunt pectora Nymphæ.  
 Hæc & plura dedit moribundâ voce; canoro  
 Turbine diripiunt pereuntia verba procellæ.  
 Hinc ſpes omnis abit. Vano conamine fluctus  
 Tendit in adverſos, dum languida crura manûſque  
 Deſciant; quocunq; vagæ rapit impetus undæ,  
 Deſertur quaſi truncus iners, liquidamque patenti  
 Singultans bibit ore necem: Et jam morte gravatos  
 Attollens oculos, trepidantia lumina Tædæ

Suſpiciť,



Suspicit, atque atras vanescere vidit in umbras.  
Vidit ! Et in longum fugientes clausit ocellos.

Sestias at lecto jacet irrequieta, nec unquam  
Solvitur in somnos ; sed magno fluctuat aestu  
Curarum ; & secum reputat, quæ causa morantem  
Detineat, vel quæ premerent mala Fata Leandrum.  
Protinus, ut primum roseos detexerat ortus  
Lucifer, exiit thalamo ; camposque liquentes  
Anxia prospectu longo metitur ab arce  
Prælustri ; si fortè illum, ductrice relictum  
Luce, per ignotas errantem cerneret undas.  
Vix mare lustra'rat, cum spumas inter & algam  
Aspicit, ecce, suæ propter fundamina Turris,  
( Horrendum visu ! ) scadata cadavera tabo  
Heu, nimium benè nota ! Comas & pectora rumpit ;  
Fœmineisque replens ululatus æthera, saltu  
Demissam in præceps scopulo se infligit acuto.

Sic pereunt miseri, sed uterque fidelis, Amantes ;  
Qui non à sese poterant vel Morte revelli.

Fragmentum Libri Quinti Poëmatis verè Divini,  
quod *Paradisus Amissa* inscribitur, à Johanne  
*Milto* Anglicè conscripti, Latino Carmine  
donatum.

[ \* Nè fortè initio nimis abrupto offendaris, Lector Benevole ; paucis te  
premonitum velim, Hæc esse verba Evæ somnium suum Adamo nar-  
rantis. Nimirum Diabolus, Angelicâ formâ indutus, à Poëta fin-  
gitur Evæ in somnis apparuisse, fructusque vetitos decerpisse, de-  
cerptos gustasse : Ad quod facinoris audacissimi Eva statim borre-  
scit ; dum ille è contra videtur ineffabili quâdam voluptate atque  
letitiâ perfundi. ]

\* **A**ST ille exultat, memorans ; — O cœlitus Arbor  
In Terram demissa ! Tuos dulcedine sætus  
Luxuriare dedit facilis Natura ; sed illis  
Gratia major ineft, potior quoniam ipse Negatis.

Sed quare, Gusta'sse, nefas ? Anne invida cœli  
 Numina sic statuunt ? ô vos dulcissima Divûm  
 Fercula ! Quæ primo levitèr si tangeret ore  
 Mortalis ; subito in Numen Mortalis abiret !  
 Hâc etenim virtute Bonum doratur ; ut omnes  
 Cùm sese in partes latè diffuderit, inde  
 Grandescat, Fontique suo accumulèntur honores.  
 Ergo age, *tende* terdo manum, ô summi pulcherrima Proles  
 Et decus Artificis ! Fœlix ego non tibi munus  
 Invideo : Fœlix jamjam, fœlicior ipsa  
 Protinus evades, at non formosior unquàm.  
 Accipe ; tu posthâc Divos numeraberis inter  
 Diva potens : Terræque gravi compage solutam,  
 Ire per æthereos tractus, Superûmque juvabit,  
 Quas hoc per facinus meruisti, invisere sedes.  
 Dixit ; & accedens, paritèr simul admovet ori  
 Poma meo. Ambrosius per nares usque palatum  
 Transit odor, stimulatque novum sub ventre furorem.  
 Nectareas ( invita licet ) sub imagine noctis  
 Arripio ore dapes. Ambo super ardua cœli  
 Extemplò rapimur ; terrâmque aquôrque videmus  
 Desuper in latum gemitò porrecta sub axi.  
 Limen at insuetum dum sic ego miror Olympi,  
 Sidereâmque viam calco ; malefidus in auras  
 Vanescit subito Ductor, miserâmque relinquit  
 Aère pendentem horrendâ sub concava Lunâ.  
 Nec mora, cùm tacitè in terram delapsa, videbar  
 In somno somnum capere. At mihi qualia mentem  
 Gaudia tenta'runt, tibi primùm lumina Morpheus  
 Deservit ! Quoties tot Crimina mente revolvò ;  
 Me dormisse, jurat ! Referenti talia conjux  
 Ingemit ; ac mœsto has depromit pectore voces.  
 O mea vita ! Mei Pars optima ! Me quoque turbant,  
 Et mœrore pari afficiunt tua somnia mentem.  
 Somnia, ni fallor, ( Deus omina lava secundet ! )  
 Orta malo ! Verùm unde malum ? Sine labe creatam  
 Te totam Deus implet. At, ô mea dulcis Imago,  
 ( Ut nosti ) plures habitant in pectore Vires  
 Plebeia humano, Ratio quibus imperat instar  
 Reginæ ; huic agilem Phantasia proxima sedem

Vendicat,

Vendicat, aërias pingens in Mente figuras,  
 Et rerum simulachra, foris penetrantia sensus ;  
 Has Ratio Ideas jungit, vel dividit ; unde  
 Cognitio nostra exoritur. Sed membra quiete  
 Dùm resoluta jacent, folio Regina recedit,  
 Inque vicem ascendit Phantasia mima, reducens  
 Præterita ; & varias rerum nullo ordine formas  
 Componens, nova monstra parit. Sic nocte videmus  
 Centauros, hircumque gerentem cornua cervi ;  
 Sic transacta die, rursus molimur. In atro  
 Non aliter somno tu, sole cadente loquelas  
 Hæsternas, recolis, longè majoribus auctas  
 Portentis. At pone metum ; vel Numine dignum est  
 Concepisse nefas solum : Non Crimina labem  
 Inducunt Animæ maneat modò casta voluntas.  
 Quam somno patra'sse piget, succumbere culpa  
 Qui poteris vigilans ? Ideò nè pectus inanes  
 Discrucient curæ ; nec tristia nubila Fronti  
 Insideant ; fronti, quâ vix formosior ipsi est  
 Auroræ, oceani cùm primò emergit ab undis.  
 Quin age, nos dudùm placidi per prata labores,  
 Ipsi nos fontes, atque ipsa arbuta vocarunt.  
 Te jam caltha manet pretioso rore gravata ;  
 Te rosa, cui totos injussa recludit odores.

His animum dictis cùm jam permulserat, Evæ  
 Desluit ex oculis furtivo gemmea lapsu  
 Guttula ; quam roseis, qui tunc per colla fluebant,  
 Crinibus abstergens, alias effundit ; Adamus  
 Has pendere videns dubias in margine ripæ,  
 Oscula luminibus figit, liquidosque sinaragdos  
 Ebibit : Ac sponsæ lachrymas gratatur obortas,  
 Tanquam signa, pios nimium, confessa timores.  
 Jamque ambo lati properant in aprica ; sed altæ  
 Vixdum permensi nocturna palatia sylvæ  
 Attigerant Phœbi radios, (qui Thetidos alinæ  
 E gremio ascendens, Paradisi lampade montes  
 Sparxit, & aurato jussit ridere colore.)  
 Cum proni genua inflectunt ; camposque patentes  
 Immensi resonare docent modulamine laudes  
 Numinis ; ut mos est, quoties Aurora reportat

Læta diem. Semper variis modulamina verbis  
 Aprantur, quæ sponte fluunt ; nec copia fandi  
 Larga deest ; totum spirant præcordia Numen,  
 Quandocunque illis placeat seu, more precantum,  
 Enarrare Dei laudes sermone soluto,  
 Sive ornare velint numeroſo Encomia verſu ;  
 Quem vel Threicius plectro ſi pangeret Orpheus,  
 Deterior potiùs fieret quàm acquireret ullos  
 Inde novos ( quamvis ſit dextra arguta ) lepores.  
 Ad cælum erecto vultu, concentibus auras  
 Suaviloquis implent, dum talia voce profantur.

Quocunque aſpicimus ; ſeu vaſta volumina Cœli,  
 Seu Terras Pontumque vagis metimur ocellis ;  
 Omnia, Summe Pater, tua ſunt. Te cuncta fatentur  
 Authorem ; in cunctis pulcherrima fulget Imago,  
 At ne pulchra quidem, Tecum collata, videtur.  
 Vos, qui fidereum circumdatis æthere ſummo  
 Regis inacceſſi ſolium radiante coronâ,  
 Aligeri ; auguſto ac ſemper pendetis ab ore  
 Attoniti ; ( benè noſtis enim ) vos pangite Laudes,  
 Pangite, dum terras divinum carmen ab alto  
 Pertingat, terrisquæ iterùm ſuper aſtra reſulter ;  
 Pangite perpetuos, de Numine pangite, verſus !  
 Tu, qui flammigeri mundi nitidiſſimus Orbes  
 Ducis, anhelantes præceps quàm Phœbus in undis  
 Mergit equos ; tecum vel pignora certa diei  
 Promiſſi revehis ; tu, Phoſphore, clariùs ipſo,  
 Effulgere tuo facias cum ſydere Numen.  
 Sol, qui per Terræ vegetantem viſcera flammam  
 Inſinuas, Mundique Oculuſ clariffimus audis ;  
 Quacunquæ inviſis gentes, quocunque reſceſſus  
 Ignotos, tu fare tui præconia Phœbi,  
 Qui tibi purpureæ frontis largitur honores.  
 Tu quoque fraternos quæ nunc petis obvia curruſ,  
 Nunc fugis, incedens Regina per ætheris aulam  
 Stellarum comitante choro, qui penduluſ axi  
 Volventi aſſiduè circumgyratur in orbem ;  
 Voſque per ambages fluidi palantia campi  
 Sydera ; voſ Sphæ æ, vocalia plectra moventes  
 Ad numeroſos ; laudate Deum ſimul omnia, verbo

Qui potuit Lucem pigris excire Tenebris.  
 Vos etiam, Rerum genitalia Semina, primò  
 Quæ Natura parens ingenti excluserat alveo ;  
 Tot narrate modis Domini præconia, quotquot  
 Corpora sub dias renovata emittitis auras.  
 Vos etiam, tenues Fumi Nebulæque volantes  
 Stagna super, fusco vel culmina montis amictu  
 Cingentes, radiis dum vellera Phœbus inaurat  
 Extrema ; Æterni vos tollite in ardua laudes  
 Artificis ; vario seu jam vestire colore  
 Cœrula, seu tostos rorare vaporibus agros,  
 Surgitis in nubes ; diffundite nubibus altis,  
 Atque per arentes, Domini præconia, campos.  
 Vos Domino, lenes Venti, ingeminate fufurros :  
 Turbine vel sylvas perflante, cacumina Pinus  
 Proceræ sinuate Deo, & procumbite Quercus.  
 Vos gelidi Latices, per gramina murmure lato  
 Reptantes, Dominum laudate loquacibus undis.  
 Illius in laudem, Volucres, plaudentibus alis  
 Deproperate melos blandum per guttura, cœlo  
 Dum liquido audaces urgetis in astra volatus.  
 Illius in laudes, vos cuncta trahentia lumen  
 Æthereum, unanimis attollite vocibus Hymnos ;  
 Seu vada cœrulei sulcatis inhospita ponti,  
 Sive gradu elato frondosa per avia cursum  
 Ducitis, aut longo quæ volvitis agmine cauda  
 Pulveream per humum : Vos omnia conscia testor,  
 Vos narrate, Dei si laudes immemor unquam  
 Vel nascente die, vel decedente, silebo ;  
 Neve meum referet carmen convallibus Echo.  
 Magne Opifex rerum ! Tu præsens usque memento  
 Impertire Bonum nobis. Si fortè tenebris  
 Nox infausta Malum celaverit ; ô Deus alme,  
 Disjice, nigrantes ut Sol modò dissipat umbras.  
 Talibus innocui orabant ; & nubila mentis  
 Turbatæ subitò aufugiunt, redeuntque serena.  
 Tum solitas, inter stillantes nectare flores,  
 Ad-curas iter accelerant ; ubi siqua comantes  
 Luxuriosa nimis ramos expanderit arbor,  
 Rescindunt : Vel siqua premat jam nubilis herbam

Vitis,

Vitis, ad amplexus ducunt ; quæ protinus ulmo  
 Brachia lascivè innectit, sterilemque mariti  
 Vestit adoptivis truncum, pro dote, racemis.  
 His ita detentos curis miseratus ab alto  
 Prospexit Pater Omnipotens, volucrumque Ministrum  
 Compellat Raphael, qui se sociare Tobie  
 Dignatus, monstravit iter quo tutus iniret  
 Conjugium toties nuptæ fatale Puellæ ;  
 Quémque his alloquitur dictis, ac talia mandat.

Cernis ut insolito Tellus commota tumultu  
 Ferbeat, & quantis agitavit pectora curis  
 Humanæ Proli Satanas ; qui nupèr Abyssum  
 Emensus vastam, Paradisi mœnia saltu  
 Transiit hesternæ per amica silentia lunæ.  
 Jamque dolos animo vafro meditatur, ut Illis  
 Corruptis omnes possit vitare futuros.  
 Vade age, colloquiis reliquum consume diei  
 Cum socio, tanquam benè notus amicus, Adamo ;  
 Qui nunc æstatem fugiens, sub frondis opaco  
 Tegmine, vel reficit placido sua membra sopore,  
 Sive famem relevat. Sermones inter agendum,  
 Sæpiùs inculca Cœlestis gaudia vitæ ;  
 Qualem si cupiat, modò perstet firma voluntas,  
 Velle sat est. At velle potest ; nam nulla cœrent  
 Fræna voluntatem : Tamen est mutabilis. Ergò  
 Præmoneas, nimidum nè jam securus Aberret.  
 Insupèr ostendas, quàm sævo obsessus ab hoste  
 Discrimen patitur ; qui deturbatus Olympi  
 Sedibus, æthereas aliis nunc invidet arces,  
 Atque viam tentat præcludere. Conscius armis  
 Se nil posse, dolos varias & callidas artes  
 Fabricar. Hæc summa est, hic nostri nuncius esto ;  
 Nè, non præmonitus, postquàm peccaverit ultro,  
 Ignoræ poterit fucos obtendere Culpa.



Illustrissimi Principis  
 FREDERICI GULIELMI,  
 Electoris *Brandenburgensis*, &c.  
 Exequiæ, Anno 1688.

**T** Eutonicos inter planctus, & mœsta Codani  
 Murmura fluctisoni, pastor dum quisque sub ulmo  
 Rupibus ac sylvis modulatur arundine carmen  
 Funereum, & resonæ jactant ad sidera valles;

Da quaeso, Frederice, tuis ut Manibus ultrò  
 Advena supremos etiam persolvat honores,  
 Assideatque tuo plorans mea Musa sepulchro.

At quæ laude virum, quo tanti nominis Umbram  
 Elogio exornem, quem non laudaverit ætas  
 Ulla satis? Quali gemitu, quantoque dolore  
 Prosequar, ulla satis quem non desieverit ætas?  
 Fulmineæ vires dextræ, bellicque labores  
 Assiduos, fusasque acies, ereptaque signa  
 Hostibus è mediis, alios fortasse juvabit  
 Dicere; Pierides, sed nos majora canamus.

En, jacet Austriaci summum decus atque fidele  
 Præsidium Imperii! Jacet invictissimus Heros!  
 Quem non ausus erat (si qua est ea gloria) Gallus  
 Innumeram ostentans aciem, rapidisve Polonus  
 Acer equis, gladio jactisque laceßere telis.  
 Suedia bellatrix non jam conatur, ut olim,  
 Imperii fines calido proferre sub austro;  
 Sed contenta suis, Arctæ frigora brumæ  
 Dura pati gaudet. Nec Magni nomen Adolphi  
 Usque adeo jam grande sonat. Vix ille tremendus  
 Hector, Odera, tuas unquam sædaverat undas  
 Sanguine Germano; nec tot sua tempora lauris  
 Induerat, noster si tunc regn'asset Achilles.

O gens chara Deo! Tibi quàm felicia regna!  
 Quàm nivei fluxere dies! Quàmque ubere lato  
 Risit opimus ager! Quid non sperare licebat  
 Principe sub tali? Qui dum perterreat hostes  
 Vel famâ ingenti; sine bello victor, ovantem  
 Per populum incedit, magnûsque in pace triumphat.  
 Ceu leo, desertis latè qui regnat in oris  
 Ardentis Libyæ, vasto dum susus in antro  
 Et requiem & frigus captat; si fortè vel urfa  
 Hispida, vel tigris, recubantem aspexerit, aures  
 Demittens pavidas tacito per devia cursu  
 Aufugit, atque ultrò dominum, regémque fatetur.

Roma suos tandem, nimidûm ventosa, Catones,  
 Fabricios, Decios, Curiôsq; efferre sub astra  
 Laudibus abstat: pròque illis omnibus unum  
 Nominis augusti Fredericum fama loquatur.  
 O quàm pulchra tenet diæ Virtutis imago  
 Nos planè attonitos; dum te, Gulielme, tuemur,  
 Inque tuâ fronti geminam radiare Coronam!  
 Justitiàmne prius mirer, clarissime Regum,  
 Sive Deos erga pietatem? Totus in illam,  
 Totus in hanc fueras incumbere visus; utramque  
 Sic tamen exercens ut vel neutrique deesses.  
 Non tibi erant cordi lautæ convivia mensæ,  
 Non aliena Venus; nec pectora mascula fregit  
 Persica luxuries. Testor tua robora dextra,  
 Atque gravem, rapido quam turbine torseris, hastam:  
 Testor & illustres, charissima pignora, Natos,  
 Ordine qui longo numerantur; testor & annos  
 Nestoreos, niveûmque verendæ frontis honorem.  
 Sic, ter magne Heros, variis cumulate Deorum  
 Muneribus; tandem, titulis & plenus & ævo,  
 Haud cadis, at placidè moriens procumbis in urnam!

Hæc tunc ipse tuo mœrens, Germania, damno  
 Ingemui. Verùm, ecce, nova uberiôrque doloris  
 Exurgit mihi materies! Nam fors tua dura  
 Afficit haudquaquàm leviori clade Britannos.

Occidis, ô nostræ non ûltima gloria Gentis!  
 O Britonum prædulce decus! Tibi cœrula quanto  
 Vitta Periscelidis nostræ per colla decore

Serpebat! Sonipes victor dum proterit Hydram  
 Luctantem, ecce, tuo pendens de pectore, vires  
 Inde novas animosque in praelia ferre videtur!  
 Occidis! Immerito qui non audire solebas  
 Strenuus Angliacæ Fidei tutamen & ultor.  
 Ah, quoties meminisse juvat, charissime Princeps,  
 Quàm latè expansis ulnīs, quàm fronte benignā  
 Excipis hospitio Fratres, quos effera Romæ  
 Savitia (infandum!) patriis proscripserat arvis  
 Nupèr, & ignotum iussit migrare per orbem.  
 Dúmque ferè exhaustos jam casibus, omnium egenos,  
 Urbe, domo socias; clades ac vulnera, sævi  
 Quæ dederant Galli, plúsq̃uam pensantur ab Ipso.  
 O vos felices! Si sic revalescere Divi  
 Concedant Miseris; quem non, Perisse, juvaret?  
 I nunc, si lubeat, jacta vegrandis, inermi  
 Insignes de gente tuos, Lodoice, triumphos.

## HIBERNIA PLORANS, Carmine Pastoralì,

*Melibæus, Lycidas, Alexis* INTERLOQUUTORES,

Anno Dom. 1689. Mense Julii.

*Melib.* **U**Nde, & quò, Lycida? Quid vult sibi mantica tergo  
 Ista appensa tuo? Cùm tu quoque, noster Alexi,  
 Usque adeò festinus iter moliris; & altos  
 Creber anhelanti gemitus à pectore ducis?  
*Lycid.* Haud vacat effari (nam longa est fabula) nostræ  
 Quæ sit causa vix. Jam vix ereptus ab Orci  
 Faucibus horresco; & si me non ludit imago,  
 Miles adhuc stricto supra caput imminet ense.

*Alex.* Quò fugiam ? quæ nunc misero mihi sylva latebras,  
Aut quæ saxa dabunt ? En, ô Melibæe, Deorum  
Munere, per medios hostes, per tela, per ignes  
Hûc tandem elapsi pervenimus ! *Lyc.* Audin', Alexi,  
Quadrupedantis equi sonitum ? Fremit ecce tubarum  
Clangor, & attonitas jam nunc diverberat aures !

*Melib.* Omnia tuta times, Lycida. Quæ somnia narras ?  
Quos audis lituos ? Vanam hanc precor exue mentem.  
Circumquaque silent latè loca ; nec levis usquàm  
Populeas inter frondes mover aura susurros.  
Quò properas ? Nonne ipse vides, quàm terra dehiscat  
Sole sub ardenti, medium qui fervidus alto  
Jam vehit axe diem ? Mecum recubare sub umbrâ  
Quid vetat ? Antiqui si non sis prorsus amoris  
Immemor ; antiquos paulùm recitemus amores.

*Lycid.* Nescis, ah Melibæe, meos quàm densa malorum  
Turba sinus agitent ! Ibi non locus ullus amica.  
Nil mihi formosû cum Phyllide : Nec mihi rursùm  
Dulcis erit ( quondàm gratissima ) fistula curæ.

*Alex.* O felix Melibæe ! Tuo quæ mitia ruri  
Numina jam præfunt ? Pâstores inter Ibernos  
Unicus es, quem nulla Deorum exercuit ira.  
Nos patriæ fines & dulcia linquimus arva ;  
Nos patriam fugimus : Gelido tu fufus in antro  
Fronde super viridi, cantas Amaryllida sylvis  
Vicinis ; referunt dociles Amaryllida sylvæ.

*Melib.* Usque ( fatebor enim ) licuit mihi dicere, ab illo  
Tempore, quo nostras Princeps Jacobus ad oras  
Appulit ; " Hæc mea sunt ; procûl hînc, procûl ite larrones  
Armigeri ! Vobis non hos consecimus agros.  
Ille idem hæc nobis dedit oria ; pèrque virentes  
Ad libitum jussit campos errare capellas.

*Lycid.* Non equidem invideo, bone vir. Sic notus Ulysses  
Romulidùm sic nota fides ? Vel dona ferentes  
Romulidas certè timeo. Nè crede ; caveto,  
I fuge, dum poteris : Viridi later anguis in herbâ.

*Alex.* Me misereret, Melibæe, tui ! Quem vaser incrimina  
Hostis in amplexu fovet, ut præcordia telo  
Certior attingat. Sic noram sæpius hœdum  
Liberiore gradu per pascua lata vagari,

Quò tandem imbueret jam victima pinguior aras.

*Melib.* An cadit in quenquam tantum scelus? Absit, Alexi,  
Absit, ut ascribam tam ferrea sceptrâ Jacobo!

Dent meliora Dii! *Alex.* Quorsum mihi sceptrâ Jacobi

Occinis? Ille suo nunc porrigit ora capistro;

Durumque agnoscit Dominum: Quin haud pudet ipsum,  
(Proh foedum auditu!) Gallo sub Rege mereri.

Gallia enim, toti quæ vult dominariæ orbi

Per fas atque nefas, etiam hæc in Regna rapaces

Injecit furibunda manus. Bella, horrida bella,

Hinc modò grassantur nostros impunè per agros.

*Melib.* Certè equidem miranda refers. Verum unde petita?

Credo quòd à triviis; ubi mendax Fama loquaci

Turbæ hominum vanis replet sermonibus aures.

*Alex.* O me felicem, mihi si novisse liceret

Hæc solùm à vano populi sermone! Sed horum

Pars ego magna fui: Quæq; ipse miserrima vidi

Hiscæ Oculis, ea sola tibi jam narro. *Lyc.* Dolores

Infandos renovare jubes, Melibæ. Cupido

At quoniam te summa tenet cognoscere, fato

Quo sumus oppressi; casus, en, accipe nostros.

“Fortè, per occiduum quum jam devexus Olympum.

Sol urgebat iter, mecum confedit Amyntas

Fronde sub iliceâ: Passim per mollia campi

Gramina ludebant saturæ cum matribus agnæ.

Sedulus ille parat Galatææ ferta puellæ

Florea; dum calathos ego lenti vimine hibisci

Texebam: à tergo confestim sylva fragore

Horrendum insonuit; subitòq; ærata caterva

Emicat, & strictis circum nos funditur armis.

At quid multa? Greges inter captivus Amyntas

Ducitur; ipse, bonus pedibus, per devia sylvæ

Aufugio, & coryli densis me condo sub umbris.

Sic gladium eviro: Sed postquàm Luna quadrigæ

Bis niveos aptarat equos, dum lustra ferarum.

Inter & anfractus erro; mihi pallida vultum,

Rugosâs macilenta genas, obsistitur ipsos

Ante oculos malefuada Fames, arcumque sagittâ

Instruit, intentatque atroci vulnere mortem.

Heu! Quid agam? Quò me vertam? Sententia demùm

Hæc.

Hæc sedet ; ut referam gressus, propriosq; revisam  
 Jam vacuos (mecum sic rebar) ab hoste penates.  
 Regredior ; nec longè aberam, quàm scena dolorum  
 Altera se pandit. Nigris obducta favillis,  
 Flammarumq; globos alto agglomerantia cœlo,  
 Fumant tecta Casæ. Clarâ ter voce maritam,  
 Ter natum appello : Sed nil mea fida Neara,  
 Nil mihi clamanti respondet charus Iolas.  
 Protinùs horrore obstupui ; nervisque solutis  
 Genua labant : Et si non opportunus Alexis,  
 Illâc fortè viam tendens, subvenerat agro,  
 Prolapsoque manum porrexerat ; ipse sub umbras  
 Fugissem, felix socius tibi, dulcis Iola !  
 Nec jam ( ah, tædet enim ) cœli convexa tuerer.

*Melib.* O Lycida, nimium duris exercite fatis !  
 Quas tecum lachrymas, aut quæ suspiria fundam  
 Digna tuo casu ? Si vel truculentior essem  
 Tigribus, aut quamvis triplici durata metallo  
 Corda forent ; possem vestris afflere querelis.

*Alex.* Quid faceres, Melibæe ? Tuos quæ flumina vultus  
 Implèrent ? Si mille agri vastata videres  
 Jugera, direptasque domos, eversaque templa,  
 Clademque stragesque ferox quas edidit Hostis  
 Haud procùl à fluvio, muros qui proluit urbi  
 Sat bello clara, gelidam quæ vergit ad Arcton  
 Hæc Regio infelix. Illic bacchatur Enyo  
 Undique ; & ejectis mendicant arva colonis.  
 Pastor ibi, incultos per montes avius errans,  
 Nunc ad saxa gemit, precibus nunc Panâ fatigat ;  
 Pan minùs à precibus, gemitu quàm saxa moventur.

*Melib.* Anne Deus noster solito pro more benignus  
 Esse negat ? Neque curat oves, oviùmve Magistros ?  
 Haud credam. *Lyc.* Iratus certè Pan ista reliquit  
 Rura ; nec immeritò. Nam dudùm Sacra profana  
 Capripedis Fauni temeraverunt Illius aras.

*Alex.* Admonuit rectè Lycidas, Melibæe ; mihi quæ  
 Suggestit, ut dicam, propius quod spectat Alexin.  
 "Pinguis ubi latè nitidos Ultonia campos  
 Porrigit ; in medio, piceis atque ilice nigrâ  
 Stat Nemus umbrosum : Pietas antiqua Parentum



Hoc sacrum voluit Pani, propriumque dicavit.  
 Hic ego votivum nostris ab ovilibus agnum  
 Ante focos caesus eram; jamque hostia cultro  
 Ingemuit, multusque cruor tepefecerat herbas.  
 Quam subito Fauni, & reliquorum Semideorum,  
 (Qui silvas habitant numero plus mille) sacerdos,  
 Milite utrumque latus stipante, irrumpit; & ore  
 Intonat: Horrendo sonitu nemus omne remugit.  
 Interea trepidus nequicquam altaria circum  
 Volvor ad amplexus; nequicquam Panos asylum  
 Confugio: Sumunt etiam hinc mea crimina pondus.  
 Protinus abripior galeato Judice coram ab  
 Sistendus. Causa indicta; (quod vita superfit,  
 Vestrum est, o Superi!) testoque exutus, & omni  
 Armento, aeternum patriis arcendus ab arvis,  
 Mittor in exilium. Vos, o mea rura, valete!  
 Itemei, felix quondam pecus, ite juvenci!  
 Ecquis erit posthac, qui vos ad pingua ducet  
 Prata; vel, æstivum sidus quum torret aristas,  
 Densa dabit patula vobis umbracula fagi?  
 Ecquis erit posthac, qui vos, jam vomere duro  
 Languentes, placido cantu mulcebit avenæ?  
 Ite mei, felix quondam pecus, ite juvenci!

*Melib.* Sis precor æquo animo. Non hæc sine numine Divum  
 Eveniunt, o Alexi! brevi post tempore (siquid  
 Fert mea mens præfaga) dabit Deus his quoque finem.

# FINIS.

## BOOKS Printed for Thomas Speed.

**C**onversation in Heaven, in Two Parts. The first being Devotions Consisting of Meditations and Prayers on several considerable Subjects in Practical Divinity. Written for the raising the Decay'd Spirit of Piety; Part the 2d, being Sacramental Devotions, consisting of Meditations and Prayers Preparatory unto a worthy Receiving of the Holy Communion: As also Meditations and Prayers suited to every part of Administring and Receiving it. By Dr. Lawrence Smith, Rector of South-warmborough in Hampshire. The Third Edition. with large Additions and Alterations, 12mo. Price 3s.

The Duties of the Cloister. Being an earnest Exhortation to Private Devotion, The Second Edition Twelves. Price 1s 6d.

Two Sermons, one Preach'd before the King, the other before the Lord Mayor. Both By Sir William Daves, Baronet. D.D. And Chaplain in Ordinary to his Majesty. Quarto. Price 6d, each. A

Hæc sedet ; ut referam gressus, propriosq; revisam.  
 Jam vacuos (mecum sic rebar) ab hoste penates.  
 Regredior ; nec longè aberam, quàm scena dolorum  
 Altera se pandit. Nigris obducta favillis,  
 Flammarumq; globos alto agglomerantia cœlo,  
 Fumant tecta Casa. Clarâ ter voce maritam,  
 Ter natum appello : Sed nil mea fida Neera,  
 Nil mihi clamanti respondet charus Iolas.  
 Protinùs horrore obstupui ; nervisque solutis  
 Genua labant : Et si non opportunus Alexis,  
 Illâc fortè viam tendens, subvenerat agro,  
 Prolapsâque manum porrexerat ; ipse sub umbras  
 Fugissem, felix focius tibi, dulcis Iola !  
 Nec jam ( ah, tædet enim ) cœli convexa tuerer.

*Melib.* O Lycida, nimium duris exercite fatis !

Quas tecum lachrymas, aut quæ suspiria fundam  
 Digna tuo casu ? Si vel truculentior essem  
 Tigribus, aut quamvis triplici durata metallo  
 Corda forent ; possem vestris afflere querelis.

*Alex.* Quid faceres, Melibæe ? Tuos quæ flumina vultus  
 Implerent ? Si mille agri vastata videres  
 Jugera, direptâsque domos, eversâque templa,  
 Cladêmque stragêsque ferox quas edidit Hostis  
 Haud procùl à fluvio, muros qui proluit urbi  
 Sat bello claræ, gelidam quâ vergit ad Arcton  
 Hæc Regio infelix. Illic bacchatur Enyo  
 Undique ; & ejectis mendicant arva colonis.  
 Pastor ibi, incultos per montes avius errans,  
 Nunc ad saxa gemit, precibus nunc Pana fatigat ;  
 Pan minùs à precibus, gemitu quàm saxa moventur.

*Melib.* Anne Deus noster solito pro more benignus  
 Esse negat ? Neque curat oves, oviùmve Magistros ?  
 Haud credam. *Lyc.* Iratus certè Pan ista reliquit  
 Rura ; nec immeritò. Nam dudùm Sacra profana  
 Capripedis Fauni temera'runt Illius aras.

*Alex.* Admonuit rectè Lycidas, Melibæe ; mihi quæ  
 Suggestit, ut dicam, propius quod spectat Alexin.  
 " Pinguis ubi latè nitidos Ultonia campos  
 Porrigit, in medio, piceis atque ilice nigrâ  
 Stat Nemus umbrosùm : Pietas antiqua Parentum

Hoc sacrum voluit Pani, propriumque dicavit.  
 Hic ego votivum nostris ab ovilibus agnum  
 Ante focos caſurus eram; jamque hoſtia cultro  
 Ingemuit, multuſque cruor tepefecerat herbas.  
 Quum ſubitò Fauni, & reliquorum Semideorum,  
 (Qui ſilvas habitant numero plus mille) ſacerdos,  
 Milite utrumque latus ſtipante, irrumpit; & ore  
 Intonat: Horrendo ſonitu nemus omne remugit.  
 Intereſ trepidus nequicquam altaria circum  
 Volvor ad amplexus; nequicquam Panos aſylum  
 Confugio: Sumunt etiam hinc mea crimina pondus.  
 Protinus abripior galeato Judice coram ab  
 Siſtendus. Cauſa indiſta; (quòd vita ſuperſit,  
 Veſtrum eſt, ò Superi!) teſtoque exutus, & omni  
 Armento, æternum patriis arcendus ab arvis,  
 Mittor in exilium. Vos, ò mea rura, valete!  
 Itemi, felix quondam pecus, ite juvenci!  
 Ecquis erit poſthac, qui vos ad pingua ducet  
 Prata; vel, æſtivum ſidus quum torret ariſtas,  
 Denſa dabit patula vobis umbracula ſagi?  
 Ecquis erit poſthac, qui vos, jam vomere duro  
 Languentes, placido cantu mulcebit avenæ?  
 Itē mei, felix quondam pecus, ite juvenci!  
*Melib.* Sis precor æquo animo. Non hæc ſine numine Divum  
 Eveniunt, & Alexi! brevi poſt tempore (ſiquid  
 Fert mea mens præſaga) dabit Deus his quoque finem.

## F I N I S.

## BOOKS Printed for Thomas Speed.

**C**onverſation in Heaven, in Two Parts. The firſt being Devotions Conſiſting of Meditations and Prayers on ſeveral conſiderable Subjects in Practical Divinity. Written for the raiſing the Decay'd Spirit of Piety; Part the 2d, being Sacramental Devotions, conſiſting of Meditations and Prayers Preparatory unto a worthy Receiving of the Holy Communion: As alſo Meditations and Prayers ſuited to every part of Adminiſtring and Receiving it. By Dr. *Lawrence Smith*, Rector of *South-warmborough* in *Hampſhire*. The Third Edition. with large Additions and Alterations, 12mo. Price 3s.

The Duties of the Cloſet. Being an earneſt Exhortation to Private Devotion, The Second Edition Twelveſ. Price 1s 6d.

Two Sermons, one Preach'd before the King, the other before the Lord Mayor. Both By Sir *William Dawes*, Baronet. D. D. And Chaplain in Ordinary to his Maſteſty. Quarto. Price 6d, each. A

## BOOKS Sold by *Thomas Speed* in *Exchange Alley*.

A Sermon at the Funeral of Mrs *Elizabeth Fisher*, Sister to the Honourable Sir *William Daves* Baronet, D. D. And Wife of the Reverend Dr. *Peter Fisher*, Preached at *Bemington* in *Hertsfordshire*, June 2d. 1698. By *William Milner*, Vicar of *Ship-hall* in *Hertsfordshire*, Quarto, Price 6d.

A Sermon at the Funeral of the Reverend Mr. *Thomas Grey*, late Vicar of *Dedham* in *Essex*, Preached in the Parish Church of *Dedham* Feb. 2d. 92, with a short Account of his Life, By *Joseph Powel*, M. A. Rector of *St. Mary* on the *Wall* in *Colchester*, Quarto, Price 6d.

The Death of Good *Josiah* Lamented. A Sermon occasioned by the death of our late most Gracious Sovereign Queen *Mary* of ever blessed memory, preached at *Balsbam*, in *Cambridgeshire*, March 3d, 95, by *Joseph Powel*, M. A. Rector of *Balsbam*, Quarto, Price 6d.

The necessity of a present Repentance, A Sermon preached before the Lord Mayor and Court of Aldermen, March 10th. By *William Bramston*, Chaplain in Ordinary to his Majesty, Quarto, Price 6d.

Immoderate mourning for the dead, proved unreasonable and unchristian; or some considerations of General use to allay our sorrow for deceased Friends and Relations, but more Especially intended for comfort to Parents upon the death of their Children. By *John Owen*, Chaplain to the Right Honourable *Henry* Lord *Grey* of *Rutben*, 8o, Price 1s.

A Moral discourse of the Power of Interest, By D. A. Med. Doc. 8o Price 1s. 6d.

Interest in Epitome: Or Tables in a shorter method than any hitherto yet published. Exactly calculated from one Pound to ten millions of Money, to the thousandth part of a Penny, after the rate of 5, 6, 7 and 8 per Cent. per Annum. By *Israel Falgate* of the Bank of *England*. Made fit for a Pocket Book, Price 6d.

*Panarithmologia*; being a Mirror for Merchants, a Breviate for Banks, a Treasure for Tradesmen, a Mate for Mechanics, and a Sure Guide for Purchasers, Sellers, or Mortgagees of Land, Leases, Annuities, Rents, Pensions, &c. in Present Possession or Reversion, being a constant Companion, fitted for all mens occasions. In 3 parts. All performed by Tables ready cast up, whereby Questions relating to any of the forementioned particulars are easily and exactly resolved by inspection into the Tables only. To which is added, a necessary Appendix containing Heads of daily use to all Trades. By *William Lybourn* Octavo. Price 5s.

*Pharmacopæia & Chymica Symystia; seu Pharmacopæia Chymica. In Qua Medicamenta Alphabeticè digesta tam Chymica quam Officialia, Scitu dignissima, uno quasi intuitu legenda simul & perspicenda, Lectori Subjiciuntur.* Authore *Josua Laher*, M. D. &c. Coll. Div. *Fishan*, Bapt. in Univer. *Oxm*, olim Socio. 12s. Price 2 s.

*Pharmacopæia Collegii Regalis Londini Remedia omnia Succinctè descripta; una cum Catalogo Simplicium Ordine Alphabeticò digestorum: quibus annexum est Manuale ad Firum: nec non Pinax Pysographicus. Editio tertia Prioribus Emendatior & Auth.* Hinc insuper adjiciuntur Pharmaca nonnulla in usu hiberno apud Medicos Londinenses. Accessit item in Calce Proſodia Medica observatu non Indigna: Cura Jac. Shipton *Pharmacopæi Lond.* 12°. Price 2 s.

A Dialogue between *Alkali* and *Acid*: Containing divers Philosophical and Medicinal Considerations, wherein a late Pretended New Hypothesis, asserting *Alkali* the Cause, and *Acid* the Cure of all Diseases: is proved groundless and dangerous: Being a Specimen of the Immense Self-applause, Shameful Contempt, and abuse of all Physicians, gross mistakes and great Ignorance of the Pretender *John Colbatch*. By *Thomas Ems*, Chirurgo-Medicus. The Second Edition. 8°. Price 1s.

Religion the only Happiness. A Poem, in a Letter to a Friend, 4o, Price 6d.

THE END.

